

أمر قبيح
يقع

أي شخص يترك نفسه
فهم ظن أن أبناءه أو أبنائهم هم الذين هم في علاقات

أمثلة للتقارير: أمثلة من الصحف + إزاي تأسر ودود خاصة بيبك

لكل اللي بينتقدوا القناة،
لكل البنات اللي شايفينها مجرد كلام فاضي،
ولكل الرجالة اللي مش مصدقين،
أنا مش أكثر من لاعب في اللعبة،
الأنش هي اللي بتخط قوانينها، وأنا بلعب على
حسب لعبتها.
فماتلومش اللاعب... لوم اللعبة نفسها.

جاهز تفهم دماغ البنات؟

الفهرس

4	بداية اللعبة: كل حاجة كانت غلط
8	الفصل الأول: قواعد اللعبة
19	الفصل الثاني: كواليس اللعبة
33	الفصل الثالث: فن السيطرة
39	الفصل الرابع: ساعات الصمت يكون أقوى
44	الفصل الخامس: العودة بعد السقوط
48	الفصل السادس: الشيت تست في كل مكان
53	الفصل السابع: حرب العقل الباطن مستمرة

هذا الكتاب وجميع محتوياته، بما في ذلك النصوص والأفكار والتحليلات، محمية بموجب قانون حماية حقوق الملكية الفكرية المصري رقم 82 لسنة 2002. أي نسخ أو اقتباس أو توزيع أو نشر لهذا الكتاب، كليًا أو جزئيًا، بأي وسيلة كانت، سواء إلكترونية أو مطبوعة، دون إذن كتابي مسبق من المؤلف، يعتبر انتهاكًا صريحًا للقانون ويعرض صاحبه للمساءلة القانونية.

يحتفظ المؤلف بجميع الحقوق المتعلقة بهذا الكتاب، بما في ذلك حقوق النشر والتوزيع. يُسمح فقط باستخدام الكتاب بشكل شخصي أو تعليمي غير تجاري، شريطة الحفاظ على حقوق المؤلف والالتزام بعدم التعديل أو الاقتباس دون تصريح مسبق.

أي استخدام غير مصرح به لهذا الكتاب، مثل نشر محتوياته عبر الإنترنت أو مشاركتها عبر وسائل التواصل الاجتماعي أو تطبيقات التراسل، يُعد انتهاكًا للقانون، وستتم ملاحقة المخالفين قانونيًا.

إن احترامك لحقوق الملكية الفكرية لا يعكس فقط تقديرك للمجهود المبذول في إعداد هذا العمل، بل يساهم أيضًا في تشجيع الإبداع ودعم الكتاب والمفكرين على تقديم المزيد من الأعمال المميزة.

بداية

اللعبة: كل

حاجة كانت

غلط

"متخلىش حد
يكون أولويتك
وانت بالنسبـاله
مجرد اختيار".

مارك توين

في الجامعة، كان ليا سمعة مميزة. الولد اللي يقدر يكلم أي بنت من غير خوف ولا توتر. وسط دفعة معظمها شباب من محافظات، عمرهم ما شافوا مدرسة مختلطة في حياتهم، كانت ثقتي دي حاجة غريبة عليهم. إيدي مكنتش بترتعش، وشي مكنتش بيحمر، ومكنتش بتلغبط في الكلام. في نظرهم كنت بطل، مع إن كل اللي كنت بعمله إني بتعامل مع البنات زي أي حد عادي. لحد ما شوفتها.

كان يوم خريف من أيام أكتوبر ٢٠١٩. الجو كان لسه مفيهوش برد الشتا، والشمس كانت بتدخل من شبابيك المدرج بتلمع على عيونها العسلي. كانت قاعدة في الصف الثالث، لابسه بلوزة سودا بتلمع وجاكت وتر بروف نبيتي. من اللحظة دي، عرفت إن لازم أعرفها.

الصدفة جمعتنا. سؤال بسيط في جروب الدفعة عن ملخص معمل كيمياء، والاقبها هي اللي بتبعتلي الصور. قلبي نط من مكانه، بس المرة دي كان لازم ألعب صح. خبرة سنين من المحاولات الفاشلة علمتني إن الاندفاع هو العدو الأول.

كان قدامي اختيارين: يا إما أستغل الفرصة دي وأحاول أفتح معاها كلام، يا إما أسيبها تعدي. بنشوف بعض كل يوم في المحاضرات والمعامل، والسمعة في المكان ده بتسمع جامد. قررت العب على المدى البعيد.

شهر كامل من الخطوات المحسوبة. كل حاجة كانت بحساب - من مكان قعدتي في المدرج، لحد الفولو على السوشيال ميديا، مروراً بالرد على الستوريز. لعبة شطرنج طويلة، وكنت فاكر إني عارف كل خطواتها.

نجحت الخطة. قعدنا مع بعض قدام قصر الزعفران، وريحة القهوة المحروقة من Le Bistro مالية المكان. قعدة بسيطة، بس ساعتها كانت أحلى لحظات عمري. مشيت راجع البيت بغني في الشارع، مش مصدق إن البنت اللي كنت بحلم بيها بقت معايا.

ساعتها قولت بس خلاص، اللعبة خلصت. دلوقتي هي بتحبني وطول مانا بعاملها كويس هنفصل سوا. لكن مكنتش عارف إن النجاح ده هو بداية النهاية.

كل ما قربت، كل ما بعدت. كل ما حاولت أصلح، كل ما خربت أكثر. مكالمات طويلة، اعتذارات، محاولات إرضاء، كلها كانت بتجيب نتيجة عكسية. كل خناقة كنت بضطر أعذر فيها، حتى لو مش غلطان، عشان سمعت إن ده اسمه "احتواء".

لحد ما في يوم، جابت كل الهدايا اللي جبتها لها. حتى بوكيه الورد. نظراتها كانت مختلفة خالص - نظرة القطعة اللي عينيها كانت بتلمع قبل ما تحطها الأكل راحت، واتحولت لنظرة بنت زهقانة مستنية تخلص مني. في اللحظة دي فهمت - كل اللي عملته كان غلط من الأساس.

حاولت أرجعها، بس محاولاتي كلها فشلت. لحد ما وصلت بيها إنها تستغل نقط ضعفي ضدي. ساعتها عرفت - مش بس إن العلاقة دي انتهت، لكن كمان إن فيه حاجة أساسية باظت مني.

السنين اللي بعد كده قضيتها بادرس وأحلل. اكتشفت إن أخطائي مش فريدة. 99% من الرجالة بيعملوها، من غير ما يعرفوا إنهم غلطانيين. كلها بتدور حول حاجة واحدة - الشيت تست.

في الكتاب ده، مش بس هحكى قصتي، لكن هشرح بالتفصيل كل غلطة وقعت فيها وإزاي تتجنبها. هتتعلم تعدي اختبارات البنت من غير حتى ما تفكر في الردود. لأن المشكلة مكنتش في الردود - المشكلة كانت في طريقة التفكير نفسها.

الفصل

الأول:

قواعد

اللعبة

الاختبارات (Shit Tests)

أهم احتياج عاطفي عند البنت هو الأمان. دايماً بتدور على راجل يخليها تحس إنها في أمان ومحمية. المشكلة هنا إنها مش بتقدر تسأل الراجل بشكل مباشر إذا كان فعلاً يقدر يوفر الحماية دي ولا لأ. ليه؟ ببساطة لأن الراجل ممكن يكذب ويقول اللي هي عايزة تسمعه عشان يوصل للي هو عايزه. وهنا بييجي دور الاختبارات أو الشيت تست.

الموضوع بييجي تلقائي. يعني البنت مش شرط تكون قاعدة تخطط أو تفكر إنها "تختبرك". الموضوع بيحصل بشكل طبيعي جداً. بتتصرف بطريقة معينة، ممكن تقول كلمة أو تطلب طلب غريب، وتشوف رد فعلك. ردك هو اللي هيحدد إذا كانت المفروض تتشدك أكثر أو إنها تكرفلك (تتجاهلك) أو في بعض الأحيان لو إنتوا في علاقة طويلة، تقرر تسبيك.

لما البنت تختبرك، ده معناه إنها شايفه إنها ممكن تكون معاك. لو كنت في نظرها "زميل عادي أو مجرد أخ"، مش هتتعب نفسها إنها تختبرك أساساً. كانت هتتجاهلك أو تخرج من حياتك من الأول. وبالتالي، الاختبارات شيء إيجابي. لو لعبت اللعبة صح وعديت الاختبارات، الانجذاب هيزيد جداً. ولو فشلت، الخسارة هتكون واضحة وهتلاقيها بعدت بكل سهولة.

إزاي أعرف إن أنا في اختبار؟

- كلام بيهاجم إطارك.
- كلام بيخليك تنط فوق حواجزها (إنك تبرر أو تأهل نفسك ليها).
- فعل بيغير ترتيبك للأمور.

- كلام الهدف منه إنها توصل للريشة في نظرية القطعة. (إنها تأخذ منك كلام حلو).

بنات كثير بتعمل تصرفات معينة عشان الهدف الأخير هو إنها تطلع كلمة حلوة منك، ده بيكون اختبار. بنفس المبدأ، الجمال مجرد اختبار، لو وقعت لجمال البنت وعاملتها معاملة مميزه بسبب جمالها يبقى فشلت في الاختبار وبالتالي مش هيكون في انجذاب ناحيتك.

أهم درس: إرضاء البنت مش الحل

البنات زبي الأطفال في الحقة دي. عايزة تعرف حدودها فين، بتشوف هل هتقدر تقول "لا" وقت ما يكون لازم فعلاً تقولها؟ لو حسيت إنها بتدوس على حدودك، ولقيت مقاومة أو قوة عندك، ده بيخليها تحس بالأمان وتنجذب ليك أكثر.

لكن لو استسلمت لكل طلباتها وأوامرها، هتفضل تجيب أورك وتختبرك لحد ما تدوس على وشك. وساعتها؟ مستحيل تحترمك. هتحس بشوية رضا في الأول لأنها حاسة إن "القوة في أيدها"، بس في نفس الوقت، هتبدأ تفقد الانجذاب ليك تدريجياً. ممكن حتى تكافئك بكلمة حلوة أو حركة لطيفة، بس ده مش معناه إنها فعلاً معجبة بيك أو إنك هتلاقى منها اللي بتدور عليه.

مجرد إنك "ترضخ" وتنفذ كل طلباتها مش هيقربك منها. اللي هيساعدك توصل هدفك هو إنك تبقى واثق في نفسك، تفرض حدودك، وتعرف تقول "لا" في الوقت المناسب.

باقي الكتاب هيشرح بالتفصيل إزاي تعدي الاختبارات دي، خطوة بخطوة، وثبتت قوتك وثقتك وتبني انجذاب. هل مستعد إنك تلعب اللعبة بمعلمة؟ الكتاب ده مش بس هيغير طريقة تعاملك، لكنه هيخليك تفهم دماغ البنات أكثر من أي وقت.

ليه بنعدي الاختبارات؟

حتى لو كنت قيمتك عالية وقدرت تخلق انجذاب، ده مش معناه إنها خلاص مكسب مضمون. ممكن بكرة تعرف واحد شبهك وأحسن منك كمان.

وانت بتتعرف عليها وهي حاسة بمشاعر الانجذاب ومشاعر ادرينالين التعارف لأول مرة، ممكن تكون نيتها فعلاً إنها تكمل معاك. بس بمرور الوقت، هتبدأ تنسك تدريجي وكمان بتظهرها فرص جديدة.

عشان كده، مش كفاية إنها تنجذب ليك. لازم تخليها تستثمر في العلاقة معاك.

كل ما تقضي وقت ومجهود، أو تحس مشاعر معاك، كل ما تبقى متمسكة بيك أكثر. الموضوع زى ما تقول بيبقى استثمار، والمجهود اللي بتعمله بيخليها عايزة عائد على استثمارها (ROI)، سواء كان ده وقت أو مشاعر أو أي حاجة تانية.

إيه هي أشكال الاستثمار؟

1. الاستثمار العاطفي: البنات مش بتحب تدخل في دوامة مشاعر مع حد نواياه مش سالكة. لو بتفتح قلبها ليك أو تشاركك حاجة شخصية، ده معناه إنها حطت جزء من مشاعرها في العلاقة. البنات عارفة إنها لو حست بمشاعر

- ناحية حد هيبقى صعب عليها إنها تبعد لو مطلعش الشخص المناسب،
وعشان كدة مش سهل إن بنت تديك مشاعرها.
2. الاستثمار الجسدي: الحاجات الجسدية بتيجي على مراحل: مسكة الإيد غير البوسة، والجواز هو أكبر استثمار جسدي ممكن.
3. الوقت: كل ما بتقضي وقت معاك أكثر كل ما استثمارها بيزيد أكثر. إنت محتاج من 4 لـ 10 ساعات في المتوسط قبل ما تعلقها بيك تمامًا (مش شرط يبقوا متواصلين).
4. المجهود: هل هي اللي بتجري وراك؟ البنات عموماً ما بتقدّرش الحاجة اللي بتيجي بسهولة، وكل ما تبذل مجهود أكثر عشانك، كل ما هتحس بقيمتك وتستثمر فيك أكثر.
5. الفلوس: مين اللي دفع؟ لو هي جابتلك حاجة أو صرفت، ده نوع من الاستثمار، حتى لو حاجة بسيطة زي مشروب.

خليك فاكِر، جيم (game) وطريقة "افهم دماغ البنات" مش مبنية على انك تخلق انجذاب بس، ولكن الهدف إنها تستثمر فيك، وبالتالي تتعلق، وتبقى حابة تفضل معاك دايماً.

عدم الراحة والمواجهة

البنات مش بتحب المواجهة أو شعور أنها مش مرتاحة. دي حاجة معروفة، ولكن النقط دي ضروري إنك تفهمها عشان تقدر تنجح في اللعبة:

- خليك إيجابى، متحكمش ومتعلقش على كل حاجة البنت بتعملها.
- الاختبارات مش حياة أو موت، هتلاقى في الكتاب إن الردود أغلبها هزار.
- متبقاش شكاء بكاء. لو عدت حدودك؟ خليك الراجل اللي يكرفلها، مش الراجل اللي بيشتكيلها عشان تكمل معاه.

- لو كرفتك، متكلمش في الموضوع لما تتعامل معاها تاني. هل أنت الراجل اللي معندوش حياة وفضل متضايق إنها اتأخرت في الرد عليه؟ ولا انت الراجل اللي عنده حاجات أهم يعملها وعنده بنات تانية يكلمها؟

البنات بتحب المتعة والمغامرة.

البنات بتحب الحاجة اللي بتحسسها إنها عايشة. سواء كانت حاجة بسيطة زى الضحك، أو حاجة مجنونة زى مغامرة جديدة.

إيه اللي يخليها تبقى مشدودة ليك؟

- خليك رايق. الروقان بيحب أكثر من إنك تحاول تبان "عميق" أو "فلسفي كئيب".
- خليك غير متوقع. كسر الروتين دايمًا بيخليها متشوقة تشوف إيه الجاي.
- خليك شغوف بحاجة في حياتك. شغفك بحاجات بتحبها بيحسسها إنك إنسان طموح وناجح.
- وسع دايرتك الاجتماعية. البنت بتنجذب للراجل اللي قيمته الاجتماعية عالية.

من الضروري إنك تبقى عارف إن البنت لما بتختبرك أو تعملك Shit Test، مش بتعمل كده عشان تتريق عليك أو تقلل منك، هي بتختبر "الإطار أو ال Frame" بتاعك. يعني ببساطة، بتشوف هل انت ثابت وواثق من نفسك؟ هل بتعرف تسيطر على مشاعرك، ولا هتتوتر وتنهار لو ضغطت عليك شوية؟

إيه المقصود بـ Frame؟

الإطار أو أل Frame هو سياق غير معلن يحدد قواعد التفاعل في أي موقف اجتماعي. الشخص اللي واثق في نفسه أكثر هو اللي بيتحكم في القواعد دي وبالتالي، يسيطر على الإطار، وده بيأثر بشكل كبير على نتيجة أي تعامل. من الآخر، Frame بتاعك هو المفتاح لكل حاجة في العلاقة. لو كنت واثق وثابت، البنت هتنجذب ليك أكثر. لو توهت أو حاولت ترضيها على حساب نفسك، العلاقة هتنتهي.

نظرية القطعة



القطط متحبش تقولها تعمل إيه، لكن ممكن تتحكم فيها لو عرفت إزاي تنكشها. مثلاً لو ربطت ريشة في خيط وبدأت تحركها، هتلاقى القطعة بتجري ورا الخيط لدرجة إن ممكن تخلي القطعة تعمل أكروبات! لكن الغريب، لو حطيت الريشة قدامها على طول، مش هتبصك ولا تعبرك.

القطط بطبعها فضولية، وبتحب أي حاجة جديدة وشكلها ملفت. عمرك سألت نفسك ليه القطط بتجري على أي شنطة بتخش بيها البيت وانت مروح؟ لما القططة تحط في دماغها حاجة، خلاص... يبقى كل تركيزها عليها وبس. عمرك ما هتقدر تمنع قطة إنها تفتح الشنط وتشوف جواها إيه.

وفي دروس كبيرة ممكن نتعلمها من القطط. لو زقيتها بعيد عنك، ترجع تنط على رجلك. لو عايز تمسكها وتخليها جنبك، هتلاقيها عايزة تنزل وتمشي. لو مزاجها وحش، ممكن تعضك أو تخربشك. بتحب الاهتمام، وبتغير لو حد ثاني خد مكانها. وأوقات تلاقيها بتيجي تتمحك فيك وهي مبسوفة ساعتها بتعرف إنها مرتاحة معاك.

يبقى لما القططة تشوف الريشة والخيوط من بعيد، تعمل نفسها مش مهتمة. لكن بمجرد ما الريشة تتحرك حركة صغيرة، تبدأ تبص. تتحرك كمان شوية؟ تبدأ تقرب شويتين. أول ما تشد الخيط بعيد عنها، تلاقيها فجأة بتجري وتنطط زي المجنونة عشان تمسكها، وتعمل دوشة في البيت كله.

نفس الحكاية مع أي حد يحاول يجذب اهتمام حد ثاني. لو كان سهل الوصول ومتاح طول الوقت، الطرف الثاني هيزهق بسرعة. ولو كان بعيد أوي ومستحيل الوصول ليه، برضه هيستسلموا ويبعدوا. الحل؟ تخلي الحاجة اللي عايزينها قريبة كفاية إنها تغريهم، لكن بعيدة شوية تخليهم يجروا وراها عشان يوصلوها.

نظرية الحواجز



في العلاقات الاجتماعية، وخصوصاً مع البنات، أوقات بتحصل لعبة كده زي تدريب الحصان. المدرب بيحط حاجز، ويشوف الحصان هيعديه ولا هيقف قدامه. نفس الحكاية بتحصل مع البنات، بس انت بتكون مكان الحصان، وهي اللي بتحط الحواجز.

يعني إيه حواجز؟

الحواجز دي حاجات البنت بتعملها أو بتقولها عشان تخليك تثبت نفسك أو تأهل نفسك ليها وتختبرك:

- تديك اهتمام مزيف عشان تشوف إذا كنت هتبدأ تجري وراها.
- تديك عدم اهتمام مزيف عشان تشوف إذا كنت هتحاول تبسطها.
- تقول حاجة تخليك تحس إنك محتاج تبرر نفسك أو تعتذرلها.

دي كلها أمثلة على الحواجز اللي البنات ممكن يستخدموها عشان تسيطر عليك. لو فضلت تعمل حاجات عشان تبسطها، تجري وراها، تستعرض قدامها، تعتذرلها، أو تبرر نفسك، كل ده بالنسبة لها إشارات إهتمام منك ممكن تستغلها ضدك.

البنات بتشوف هل إنت "هتنت" فوق الحاجز اللي هي حطاه ولا لأ. زهي الحصان اللي بييجري عشان يعدي الحاجز، لو نطيت فوق حواجزها، هيحصل حاجتين:

1. هتحس إنها مهمة عندك ومسيطرة عليك: يعني تقدر تتحكم فيك بسهولة، زهي المدرب اللي عرف يسيطر على الحصان. وده هيخليها مبسوسة وهيرفع من ثقتهافي نفسها.
2. انجذابها ليك هيقل: حتى لو فرحانة إنها "مسيطرة"، في عقلها الباطن مش هتحس إنك راجل لأن مجرد إنها بتحب حاجة مش معناه إن ده هيشدها ليك أو إنها فعلاً عايزة الحاجة دي.

خد بالك. أنت مش عايز تبقى الشخص الساذج اللي بيتلعب بيه وهو مش واخد باله، ومن ناحية ثانية مش عايز تبقى روبوت دايمًا عايز يسيطر على كل كبيرة وصغيرة في أي تعامل بدل ما ينبسط ويتعامل بثقة وتلقائية في تعامله مع البنات. مش كل الناس بتحاول تتلاعب بيك.

إزاي تتعامل مع الحواجز؟

الشخص الساذج بيكون متحمس ينط فوق الحاجز. فإكر إن ده بيوريها قد إيه هو مهتم. فإكر إن ده رومانسي وهيخليها تحبه. فإكر إن أي حد بيعمل عكس كده بيبقى وحش. لكن الحقيقة إنك هتبقى بالنسبالها مجرد شخص "بييجري وراها".

لكن ساعات بيبقى أحسن حاجة تعملها هي إنك تتجاهل الحاجز تمامًا.

البنات: "إنت ليه لابس كده؟"

إنت: (بتبسم وماتردش).

النتيجة؟ هتحس إنك واثق في نفسك ومش محتاج تبررلها أي حاجة.

أو بدل ما هي تختبرك، إنت اللي تختبرها.

البنّت: "إنت عندك كام سنة؟"

إنت: "خمني الأول".

هنا إنت بتثبت ما بين السطور إنك مش بتجري وراها، وإنك مش سهل التوجيه.

أو ممكن تلعب لعبتها وتخلق إنت حواجز ليها.

دي عايزة مستوي من المعلمة. لو هي حطت حاجز، بدل ما تنط فوقيه، حط أنت حاجز جديد ليها.

البنّت: "إنت ليه بتتكلم معايا؟"

إنت: "في روج على خدودك"

أو: [لأصحابها] هي علطول كده؟ بصوا، خليني أقولكوا حاجة... <تغير الموضوع>.

كل تعامل فيه خد وهات برضو. لو هي أدتك حاجز صغير، مش غلط تنط فوقيه بس بشرط إنها الأول تنط فوق الحاجز بتاعك. مثلاً قولها عادي عندك كام سنة بس بعد ما تخليها تخمن الأول.

الحواجز التدريجية

وزي ما المدرب بيبدأ بحواجز صغيرة للحصان، إنت كمان ممكن تبدأ تطلب حاجات بسيطة وتزودها تدريجي. الفكرة هنا إن كل مرة البنّت تأهل نفسها ليك بتبدأ تستثمر أكثر في العلاقة.

في الأول: "خمني أنا عندي كام سنة". بعدين: "طب هاتيلي الكوباية دي لو سمحتي". بعد شوية: "إنت بتعرفي تطبخي؟ جربي تطبخيلي حاجة".

كل مرة بتأهل نفسها ليك وبتعدي فوق الحواجز بتاعتك بتخش جوا الإطار بتاعك وبالتالي بتشدلك أكثر.

الفصل

الثاني:

كواليس

اللعبة.

الاختبارات بتكون في كل مراحل العلاقة من أول ثواني في التعارف لحد ما بعد الجواز والخلفة. مرحلة التعارف هي مرحلة حرجة. البنت بتحاول في المرحلة دي تحدد إذا كنت فعلاً شخص مناسب إنها تكمل معاه، أو مجرد راجل طري. وعلشان توصل للقرار ده، بشكل تلقائي وغير واعى، بتبدأ تختبرك. الاختبارات في المرحلة دي بتركز على الكلام والسلوك، وكلها بتحاول تقيس مدى ثقتك بنفسك ومدى توافقك مع الثقة الظاهرة وثباتك تحت الضغط.

التوافق

البنات دايمًا بيختبروا مدى قوة إطارك وتوافقه مع شخصيتك. لو هي قدرت بسهولة تفرض إطارها عليك، ده مؤشر قوي جدًا على انخفاض قيمتك عندها. للأسف، الانخفاض ده غالبًا بيقتضي على أي فرصة لخلق انجذاب. لأنها ببساطة، لو مش شايفة فيك القوة الكافية انك تسيطر عليها، إزاي هتثق فيك عشان تحميها أو تكون سند ليها؟ الشعور بالأمان هو عامل أساسي في اختيارها اللاواعى لشريك حياتها.

حتى لو كنت حبيبها، قوتك في السيطرة على الإطار بتحدد مكانك. الشيء الوحيد اللي ممكن يمنعها من انها تسيبك لرجل تاني هو مستوى استثمارها فيك — لو كانت استثمرت وقت وجهد كبير معاك، هيكون صعب نفسيًا عليها انها تسيبك بسهولة.

دور الاختبارات في تحديد التوافق

ال Shit Test هو سؤال أو تعليق تحسه تافه في البداية، لكنه في الواقع محاولة غير واعية منها عشان تقيس مدى توافقك، ثقتك بنفسك، وقدرة سيطرتك على الإطار.

اختبارات الكلام

دي أكثر الاختبارات اللي بتقابلها في البداية، وبتكون عبارة عن أسئلة أو تعليقات هدفها الأساسي إنها تشوف رد فعلك. البنت بتراقب مش بس إجابتك، لكن كمان نبرة صوتك، تعبير وشك، وطريقتك في التعامل مع السؤال.

" أنا زعلانة منك "

ده أكثر اختبار منتشر، خصوصًا بعد ما تتكلموا شوية. تلاقيها زعلت على حاجة مش مفهومة أو حاجة محصلتش أصلًا.

الرد الغلط:

"ليه زعلانه؟"

"أنا عملت إيه؟ فهميني عشان أعرف أصلحك".

"مقدرش أستحمل زعلك".

الرد ده بيبين إنك بتدافع عن نفسك زيادة عن اللزوم وبتحاول تكسب رضاها بشكل مبالغ فيه.

الرد الصح:

"متطوليش في الزعل بقى عشان التجاعيد".

"مش سامعك الشبكة بتقطع".

"إوعي تكوني من البنات اللي بتتصور وهي بتعيط".

"مين بس مزعلك وأنا أموته؟ مين؟ (أسمك)؟ معرفوش مين ده" (بهزار).

" عرفت كام بنت / ارتبط قبل كده؟"

اختبار بيان بريء لكنه ممكن يغير كل حاجة حسب ردك.

الرد الغلط:

"واحدة بس أو اثنين".

"مفيش، إنتِ أول واحدة".

الرد ده هيبان إنك بتقول كلام عشان ترضيها أو بتخاف تزعل.

الرد الصح:

"آخر ساعة بس؟ يعني خمسة أو ستة كده".

"هو أنا المفروض أعدهم؟"

" بتقول الكلام ده لكل بنت تعرفها، صح؟"

الرد الغلط:

"لا طبعا، أنا صادق في مشاعري".

"لا طبعا، إنتِ مميزة جدًا".

الرد ده بيبين إنك بتحاول تثبت نفسك بزيادة.

الرد الصح:

"آه، بس إنتي الهبة الوحيدة اللي صدقته".

"مش كل بنت.. ده ستايل جديد بجره فيكي".

"لأ، إنتي الوحيدة اللي استاهلت أقولها كده".

" هو أنا تخينة النهارده؟ / هو أنا حلوة في الصورة دي؟"

الرد الغلط:

"إنت أجمل واحدة في الدنيا".

"الصورة حلوة أوي".

الرد ده هيحسسك إنك بتمثل أو بتحاول تبالغ في رفع ثقتها بنفسها.

الرد الصح:

"تخينة جدًا.. مش عارف بتخرجي من باب البيت إزاي." (نبرة هزار).

"محتاجة فلتر يخبي ملامحك شوية".

ملحوظة: لازم تبين إنك بتهزر من نبرة صوتك أو طريقة كلامك.

" بتشتغل إيه؟"

الرد الغلط:

تشرح بالتفصيل شغلانة مملة.

"أنا شغال في شركة (س) بعمل فيها (ص)".

الرد الصح:

"خمني الأول".

"بعلم الرجالة الشقطة!" (بهزار).

" عندك كام سنة؟"

الرد الغلط:

25"سنة." (إجابة مباشرة مملة).

الرد الصح:

"تدينني كام؟"

"يعني 140 بس مهتم ببشرتي".

" إنت أصغر مني، ده أنا بالنسبالك ماما.. روح يا حبيبي مبكلمش أطفال".

الرد الغلط:

تتكسف وتسكت.

"مش مشكلة (قصة طويلة مملة عن إن السن مجرد رقم وإنه عادي تتكلموا سوا وهي أكبر منك".

الرد الصح:

"عرفتي منين إني هربت من الحضانة عشان أكلمك؟"

"متخافيش، مش هعايرك إنك قربتي تعجزني".

"ما أنا عشان كده بكلمك.. بحب الميلفات". (بهزار)

" إنت لطيف أوي".

غالبًا اختبار عشان تشوف لو طلبت منك حاجة هتعملها ولا لأ، ومع الوقت ممكن تلاقي نفسك في الفريندزون

الرد الغلط:

"إنت تؤمري".

"أبي حاجة عشانك".

الرد الصح:

"متتعوديش على كده".

"المره الجايه بفلوس".

"هو أنا شكلي حلو النهارده / إيه رأيك في الصورة دي ليا".

اختبار عشان تخرج منك كلام حلو يرضي غرورها ويخليها توصل للريشة في نظرية القطه. خليك فاكرا إن لو القطه وصلت للريشة هتسيبها وتمشي.

الرد الغلط:

"شكلك تحفة".

"إنتي أحلى بنت شوفتها في حياتي".

الرد الصح:

"أديكي 10/6.5 والنص ده كرم أخلاق مني".

"هو انت بتحبني؟ / بتحبني قد إيه / حاسه إنك مبقتش تحبني زي الأول / المفروض تكون الطرف الأكثر حماسا".

زي الاختبار اللي فات، القطه بتحاول توصل للخيط.

الرد الغلط:

"أنا محبتش قدك في حياتي".

"كل يوم بحبك أكثر من الأول".

الرد الصح:

"ياااه ده أنا مش طايقك". (بهزار)

"ساعات بحس إني بكفر عن سيئاتي لما بكلمك". (بهارار)

مهم جدًا إن لغة جسمك ونبرة صوتك / طريقة كتابتك تكون بتوضح إنك فعلًا
بتهزر.

اختبارات السلوك

في النوع ده من الاختبارات، البنت بتحاول تشوف طريقة تصرفك بدون كلام مباشر.
التعامل مع الاختبارات دي بيعتمد على قدرتك على قراءة الإشارات.

1 . تتأخر عليك وانتوا خارجين

هدف الاختبار: قياس مدى أهميتها في حياتك، وهل عندك حاجات تانية أهم منها
ولا لأ.

الرد الغلط:

تتصل بيها وتسألها "إنتي فين؟"

ولما تيجي تزعل منها أو تعاتبها.

الرد الصح:

تروح متأخر عنها ربع ساعة وتسببها هي اللي تستناك.

ده هيخليها تحس إنك مش متفرغ ليها تمامًا وإنك عندك أولويات تانية.

2 . تحاول تغير وقت أو مكان الخروج بتاعتكم قبلها علطول

الرد الغلط:

"ماشى يا حبيبتى نغير المكان من المعادي لوسط البلد".

الرد الصح:

"لا مش هعرف أروح وسط البلد. هنروح المعادي زي ما اتفقنا".
ده هيبين إنك ثابت على قراراتك وما بتتأثرش بسهولة.

3 . تتصل ببيك وانت بتعمل حاجة وتفضل ترغي

الرد الغلط:

تسيب اللي وراك وتسمعها وتديها كل وقتك.

الرد الصح:

"مشغول دلوقتي. هكلمك لما أفضى".
" مش وقتك في الجدول " (بهارار)
ده بيعكس إن وقتك غالي وإنك مش فاضي طول الوقت.

4 . تمارس عليك أسلوب العار عشان تبطل تعمل حاجة هي مش عايزاها

زي إنك تنزل مع صحابك أو تروح الجيم أو تقعد مع أهلك.

الرد الغلط:

تسمع كلامها عشان ما تضايقهاش.
تحاول تقنعها بلطف إنك تعمل الحاجة دي.

الرد الصح:

"هو ده نظامي. عاجبك تمام، مش عاجبك الباب يفوت جمل".
أو تتجاهلها تماما وتعمل اللي انت عايزه وبعدين تقولها "يا خبر هو أنا أقدر أكسرلك
كلمة؟"

مثال: מבחש הלי יקفل وهو بيكلمني عشان ماتش

أنت: هتتفرج عالماتش لأخره ولما تخلصه تبعتها وتقولها "مقدرش أسيبك عشان ماتش أبدًا"

ده هيظهر إن شخصيتك قوية ومش سهل أنها تسيطر عليك.

5. " ممكن تمسكلي الشنطة؟ / تربطلي الكوتشي / تمسك موبايلى "

الرد الغلط:

تمسكها وتفضل مستنيها زى خادمها.

الرد الصح:

"لا مفيش منه".

"حد قالك إني الخدامة الفلبينيه؟" (بهارار)

ده بيعكس إنك مش بتسمحلها تفرض عليك أوامر.

6 " ممكن تجبلي الهدية د ي؟ (أو تلمح إنها نفسها فى هدية معينة اكثر من مرة)"

سواء كانت موبايل، هدوم، أو أي حاجة.

الرد الغلط:

تنفذ اللي هي عايزاه على طول.

الرد الصح:

"حد قالك إني شوجر دادى؟"

أو: "طبعا، اجبك BMW بالمرة؟".

ده بيعكس إنك مش بتسمح باستغلالك.

7 . ممكن تصورني؟"

الرد الغلط:

تصورها أجمل صور عشان تبسطها.

الرد الصح:

"لا".

أو: "هصورك وتنقيلي بعدها قرون تليق عليا؟"

أو: "لما تصوريني الأول"

8 . إنت المفروض تفتحلي الباب وتمسكلي الكرسي. إنت كده مش جنتل".

الرد الغلط:

"أنا آسف يا حبيبتني، حقك عليا".

الرد الصح:

"وأفتحلك باب العربية كمان؟"

أو: "حقك عليا يا مولاتي، أوامرك." (بهزار).

9 . هتعمل إيه لو أنا خونتك؟"

الرد الغلط:

"هعاتبك وأشوف ليه عملتي كده".

"هسيبك طبعا".

الرد الصح:

"ده هيبقى أحلى يوم في حياتي.. أخيرا هرتاح منك!"
أو: "مصلحة! أخيرا هرجع أكلم كل البنات اللي كنت أعرفهم."
ده هيوريها إنك مش متأثر بيها لدرجة تبقى ضعيف لو خانتك.

10. " اطلع نام بره على الكنبه، أنا زعلانة منك".

الرد الغلط:

"أنا آسف يا حبيبتى. قوليلي أصالحك إزاي؟"
أو تطلع فعلاً وتسمع كلامها.

الرد الصح:

"لا، أنا هنام على سريري. لو مش عاجبك روجي انتي".
(ده بيعكس إنك مش هتتخلي عن راحتك عشان تريحتها).

11. " تحاول تغير تسريحة شعرك بإيديها أو تفتحك/تقفلك زرار في قميصك/
تغير شكل حاجة أنت عاملها في الشقة/ تحط حاجة خاصة بيها في الدولاب
بتاعك".

الرد الغلط:

تسيبها تعمل اللي بتعمله.

الرد الصح:

"مفيش منه الكلام ده" وترجع الحاجه زي ما كانت.

12 "في حد عاكسني النهاردة / أنا جالي عريس".

بتحاول تخرج منك رد فعل وتخليك تتعصب أو بتحاول تخليك تنجز وتتقدم لها.

الرد الغلط:

"إوعي توافقي عليه أنا هاجي أتقدمك بسرعة حاضر"

"إزاي يعني ده يحصل؟" (وتتعصب وتعمل خناقة)

أو تتقمص وتزعج وترد ردود مختصرة.

الرد الصح:

"طب جدع ذوقه حلو". (بهزار)

"طب كويس أنا كنت عايز أخلع الصراحة ومش عارف اجبهالك إزاي". (بهزار)

"متنسيش تعزميني على الفرحة". (بهزار)

13 "أنا هلبس (قطعة هدوم) معينة وعايزة رأيك".

وتكون القطعة ضيقة أو مفتوحة زيادة أو متنفعش تتلبس.

الرد الغلط:

"لأ طبعا مينفعش تلبسي كده"

أو تحاول تقنعها إن النوع ده من اللبس حرام أو تحاول تفهمها إنك هتضايق.

الرد الصح:

"محترم أوي الفستان ده، المفروض يكون مفتوح أكثر. تفتكري أنهي لون قرون

يليق مع وشي أكثر؟".

رد ببعكس عدم موافقتك وفي نفس الوقت بمعلمة من غير ما تتعصب وتدي رد

فعل ليها)

14 " متردش عليا متأخر أنا بتضايق "

اختبار عشان تشوف هتخطها أولوية فوق حياتك ولا هتخلي حياتك أولى منها.

الرد الغلط:

"أنا آسف حقك عليا، هرد بسرعة بعد كدة".

وتبدأ ترد بسرعة فعلاً أول ما هي تبعت.

الرد الصح:

"يا خبر هو أنا عمري قدرت أتأخر عليك". (بهزار)

"بالدور يا قلبي برد عالبنات اللي باعتالي قبلك". (بهزار)

"مكنش وقتك في الجدول عشان أرد بسرعة". (بهزار)

وتفضل ترد متأخر زي مانت حابب، ولو الموضوع اتكرر كثير عرفها إنك لو فاضي هترد بسرعة غير كده بترد وقت ما تكون فاضي.

الفصل

التالت : فن

السيطرة

لما تيجي تتعامل مع الاختبارات، مهم جدًا إنك تعرف إن الردود دي مش مجرد كلام محفوظ عشان تردده وإنك مش فاهم ايه المبدأ إلابي وراه، المطلوب منك هو إنك تكون قادر توظف المبدأ إلابي اتعلمته في الردود بأسلوبك، وبطريقتك أنت. وعشان كده هشرح الأساس إلابي تقدر تألف عليه رد لأي شيت تست تقابله مع أي بنت حتى لو كان جديد أو مش موجود هنا في الكتاب.

مثال عملي

كنت بتكلم مع بنت في مكالمة، وهنفترض إن اسمها رحمة (مش اسمها الحقيقي).

رحمة: إحنا كل ده بنتكلم وأنا معرفش إنت بتشتغل إيه.

أحمد هيثم: تدفعي كام وأقولك؟

رحمة: يابني بقي هو كل حاجة بمقابل عندك؟

أحمد هيثم: أيوة هنا كله بتمنه.

رحمة: خلاص قوللي وأنا هعملك إلابي أنت عايزه.

أحمد هيثم: خميني كده بتشتغل إيه.

رحمة: (شوية تخمينات كلهم غلط / حتى لو قالت التخمينة الصح مش هقولها)

أحمد هيثم: لا ده حوار كبير لما ننزل سوا هقولك.

*** بعد ما ننزل سوا فعلًا ***

رحمة: كنت عايزة أعرف إنت بتشتغل إيه وقولتلي لما أشوفك هقولك.

أحمد هيثم: مقولتليش برضو إيه المقابل؟

رحمة: إنت عايز إيه؟

أحمد هيثم: إنتي وذوقك بقي.

رحمة: هعزمك على حاجة تشربها.

أحمد هيثم: فاكرة نفسك هتشتريني بكوباية قهوة؟

رحمة: طب إنت عايز إيه؟

أحمد هيثم: خلاص هيبقى ليا حاجة عندك تعملهاالي.

رحمة: حاجة إيه إحنا في الشارع إحترم نفسك.

أحمد هيثم: دماغك قليلة الأدب أوي أنا أقصد حاجة عادية. خليكى محترمة زيي.

رحمة: خلاص إتفقنا.

أحمد هيثم: هقولك أنا بشتغل إيه، روحتي المعادي قبل كدة؟ تسمعي عن نايت
إسمه بيانولا؟ أنا كنت بشتغل هناك.

رحمة: بشتغل إيه هناك؟

أحمد هيثم: بشتغل فتاح. البنات ساعات بيحوا لوحدهم وأنا مهمتي إنني أروح
أتعرف عليهم وأخليهم يرتاحوا في المكان ويطلبولي حاجة أشربها. كل ما يشربوا
أكثر كل ما الكوميشن بتاعي بيزيد.

رحمة: إنت بتكلم بجد؟

أحمد هيثم: أيوة طبعا إيه المشكلة في إنني أشتغل فتاحة؟

رحمة: /شوية كلام مش مهم هزار/

هنا بمسك إيديها

رحمة: إنت بتعمل إيه ليه كده أنت مين أصلا إحنا مش مرتطبين.

أحمد هيثم: أنا أحمد هيثم.

رحمة مسكت إيديا أجمد ومحاولتش تعرف تاني أنا بشتغل إيه، لأنها أساسا مش
مهتمه تعرف أنا بشتغل إيه، ولكن كانت بتحطلي حاجز، وأنا عكست الحاجز ضدها
أكثر من مره، حطيتها الحواجز بتاعتي، عدت من اختباراتها، طبقت نظرية القطعة
وخليتها تجري ورا السؤال، وفي الآخر عرفتني إنني مش مجرد صديق أو أخ ليها
بمسك إيديها، وخذت منها إشارة إعجاب بإنها مسكت إيديا أجمد.

حوار فتاحة ده جيه تلقائي عشان كنت بتفرج على مسرحية العيال كبرت تقريبا وكان فيها مشهد لسعيد صالح بيحكى فيه عن أخته الفتاحة. ولما لقيت رد فعل إيجابي للموضوع استخدمته مع أكثر من بنت تانية والنتائج كانت إيجابيه. الفكرة كلها إنى كنت واعي بقواعد اللعبة وفي نفس الوقت ردودي تلقائية ولكن منظمة وبقدر استخدمها مع أكثر من بنت.

إيه السر؟ القواعد دي بتساعدك بتكر ردود مناسبة بتحفظ قيمتك وتنجحك في الاختبارات:

موافقة ومبالغة

أسلوب بيعتمد على إنك تتفق مع اللي هي بتقوله وتبالغ فيه بشكل ملحوظ كهازار.

البنت: "إنت أكيد بتقول الكلام ده لكل البنات."

أنت: "أيوه فعلاً، إنتي رقم 4 النهاردة."

إختلاف ومبالغة

ببساطة أسلوب يختلف عن " الموافقة والمبالغة "في أنه يبدأ بالإختلاف مع كلامها.

البنت: "إنت أكيد بتقول الكلام ده لكل البنات".

إنت: "لا طبعا، إنتِ أول بنت أتكلم معاها... أنا كنت أخرس قبل كده!"

تطلعها عالمسرح

بدل ما هي اللي بتحاول تطلعك عالمسرح (تشكل ضغط عليك بسؤالها) هتقلب الترابيزة وتطلعها هي عالمسرح (تعكس الضغط عليها)

البنّت: "إنت أكيد بتقول الكلام ده لكل البنات".

إنت: "أكيد إنت شايفة كل حاجة كذب لأن عندك تراست إيشوز (مشاكل في الثقة)!"

إنت: "آه فعلاً... كنتي فاكرة نفسك مميزة ولا حاجة؟"

إنت: "لا، إنتي مش التايب بتاعي عشان أفليرت معاكى." - مش نوعي المفضل
علشان أقولك كلام محفوظ-

لاحظ إنني في الرد الثاني بدأته بإتفاق مع كلامها، وفي الرد الثالث بدأته باختلاف مع كلامها.

التجاهل

في الطريقة دي، بتتجاهل الكلام اللي اتقال كأنه ملوش أي قيمة.

مثال:

البنّت: "إنت أكيد بتقول الكلام ده لكل البنات".

إنت: (ولا رد، وتكمل كلامك في موضوع ثاني).

تعمل من بنها

في الطريقة دي، بتعمل كأنك مش فاهم هي بتتكلم عن إيه، وبتتهمها إنها بتتخيل حاجات.

البنّت: "إنت أكيد بتقول الكلام ده لكل البنات".

إنت: "كلام إيه؟ يا خبر! هو أنا قولت حاجة؟"

كل طريقة ليها استخداماتها حسب الموقف، مزاجك، والهدف من الكلام اللي بيتقال. لكن المشترك فيهم كلهم إن الطرق دي بتخليك تحافظ على الإطار بتاعك، وبتمنعك من إنك تنط فوق حواجزها (تأهل نفسك ليها).

من ردودي المفضلة هي إني بعمل من بنها كثير، ولكن بيكون باين إني بهزر. ساعات ببالغ جدًا لدرجة إن لو بنت بتسألني بتعمل إيه بقولها مفيش كنت بخونك. وبعدين لما تسألني عملت إيه النهارده أو هتعمل إيه النهارده بيبقى كل ردودي إني هخونها ولكن بيكون باين إني بهزر.

خليك فاكِر، الردود المملة بتفشل في الاختبارات، مهمتك إنك تكون شخص مرح والبنت تحب تقضي وقت معاك.

الفصل الرابع :

ساعات

الصمت يكون

أقوى

لو قدرت تعدي الاختبارات اللي فاتت بنجاح، مبروك!

هتتحس بتغيير كبير في طريقة تعاملها معاك. هتلاحظ انجذاب حقيقي ليك، وكل ما تقوله أو تعمل هيبقى له تأثير أقوى عليها. هتلاقىها بتتعلق بيك أكثر، بترتاحلك، وبتبني معاك أحلام كبيرة للمستقبل. دي اللحظة اللي كل حاجة فيها بتبدأ تبقى واضحة، العلاقة بتدخل في مرحلة مختلفة تمامًا من الثقة والانسجام.

لكن بعد ما تبدأ تشوف الدنيا بتتحسن، فيه مستوى جديد من الاختبارات مستنيك. مستوى أصعب وأخطر. الاختبارات دي مش مجرد حاجات عادية ممكن ترد عليها بثقة أو هزار زي اللي فاتت. لا، إحنا بتكلم عن اختبارات ممكن تدمر علاقتك وكرامتك في نفس الوقت.

النوع ده من الاختبارات محتاج طريقة تعامل مختلفة تمامًا، وأي غلطة بسيطة ممكن تكون السبب في انهيار العلاقة بالكامل. نجاحك في النوع ده من الاختبارات مش بس بيحدد مصير العلاقة، لكنه كمان بيعكس شخصيتك وقيمتك الحقيقية. أنا بتكلم عن الاختبارات النووية.

الاختبارات النووية هي النوع الأصعب والأكثر خطورة من اختبارات السلوك. النوع ده من الاختبارات مش بس بيختبر ثقتك في نفسك، ده بيحاول يهز رجولتك ويهاجم إطارك بطريقة مباشرة.

في أغلب الحالات، النوع ده من الاختبارات بيكون نابع من حالة غضب أو غيرة شديدة أو حتى محاولة للانتقام. ودي نقطة مهمة جدًا لأن مش كل اختبار ممكن

ترد عليه بهزار أو تجاهل، أحياناً الأمور بتوصل لدرجة من عدم الاحترام اللي ملهاش أي حل غير إنك تبعد تماقاً.

أمثلة على الاختبارات النووية

1 . إنها تبدأ تتكلم أو تقابل الإكس (الحبيب السابق)

ممكن تلاقيها بتقولك بمنتهى البساطة: "أنا قابلت الإكس صدفة وقررنا نبقي صاحب من ثاني".

الهدف هنا هو إنها تشوف رد فعلك وتشوف إذا كنت هتغير أو تتوتر.

2 . إنها فجأة تبدأ تدخل رجالة جديدة حياتها

تلاحظ فجأة إن في شلة رجالة جديدة في حياتها، وكل شوية تحكيك عنهم. ده غالباً اختبار لغيرتك، أو في أسوأ الأحوال، محاولة لاستفزازك عشان تشوف رد فعلك.

3 . إنها تفليرت (تعاكس) حد ثاني قدامك

سواء كنتم في علاقة أو لسه في مرحلة التعارف، النوع ده من التصرفات بيبقي مقصود عشان تشوف رد فعلك وهل هتتصرف بثقة ولا هتتعصب.

4 . تتجاهلك فجأة بدون أي سبب واضح

تلاقيها فجأة بتتغير، مش بترد على مكالماتك أو رسايلك. الهدف هنا إنها تختبر صبرك وتشوف إذا كنت هتجري وراها أو هتعرف تعيش حياتك عادي.

5 . إنها تعمل غلطة بس تتهمك إنك السبب

مثال: لو هي اللي بدأت خناقة أو تصرف غلط، بدل ما تعتذر تلاقيها بتقول: "أنت اللي استفرتني" أو "أنا زعلانة منك إنك زعلان مني".

6 . تهديد مباشر بالانفصال أو الطلاق

وسط أي مشكلة، ممكن تسمعها بتقول: "لو مش عاجبك أسلوبى، إحنا ممكن نسيب بعض." الهدف هنا إنها تشوف إذا كنت هتبقى ضعيف وتحاول تصلح الدنيا بأي شكل أو هتثبت إنك مش هتقبل التهديدات.

7 . إنها تطلب منك تسبب العريية أو تنزل في نص مشوار بسبب مشكلة صغيرة
التصرف ده هدفه إنها تشوف لو هتتعصب أو هتحاول تصالحها بأي طريقة.

8 . إنها تلبس لبس عارفة إنها مينفعش تلبسه وفقًا لحدودك
التصرف ده هدفه إنها تشوف هتعرف تحافظ على كرامتك ولا هتتعصب وتتخانق معاها عشان مش عايز تبعد عنها بالرغم من عدم احترامها ليك. وفقًا لحدودك معناها إنها تكون عارفة ومتأكدة إنك هتمانع لبسها ده. (مثلاً حاولت تستأذنك وانت رفضت وراحت عملت اللي في دماغها)

إزاي تتعامل مع الاختبارات النووية؟

الانسحاب / التجاهل أحيانًا أفضل رد.

في بعض الحالات، أفضل طريقة للتعامل مع الاختبار النووي هو إنك ما تتعاملش معاه أصلاً.

ليه؟ لأن مجرد الدخول في نقاش أو محاولة لإثبات إنك على حق ممكن يظهر ضعفك، وده آخر حاجة محتاج تظهرها في موقف زي ده. كل الحاجات المذكورة فوق حاجات معروفة إنها غلط وإنها تضايق أي حد. أي محاولة للعتاب هتكون بتقلل من كرامتك وبتأدي لفشلك في الاختبار.

البعد قوة، مش ضعف

لما تواجه اختبار نووي واضح جدًا، أول حاجة لازم تفكر فيها هي مدى احترامك لنفسك. لو الموقف وصل لدرجة من عدم الاحترام مش مقبولة، أفضل حل هو البعد بدون جدال أو عتاب.

الانسحاب في المواقف دي بيوصل رسالة واضحة:

- إنك مش الشخص اللي ممكن أي حد يتعامل معاه بعدم احترام.
- إنك عندك القدرة إنك تبعد عن أي علاقة مش مناسبة حتى لو ده معناه إنك هتخسر البنت.

لما تسبب شخص عمل حاجة غلط بدون ما تدافع عن نفسك أو تجادل، بتسبب الكورة في ملعبه. هو اللي هيضطر يراجع تصرفاته ويحاول يصححها إذا كان عايز يحافظ على العلاقة. لكن ده مش هينفع إلا لو كنت جاد فعلاً في قرارك ومش هترجع في كلامك بعد كام يوم. لو رجعت بعد كده لأي سبب، حتى لو كنت فاكِر إنك عندك عذر مقنع، هتخسر مكانتك في العلاقة وهتفتح الباب للإهانة كرامتك أكثر وأكثر. في كل الحالات، الهدف واحد: قياس قيمتك الاجتماعية ومدى قدرتك على الحفاظ على كرامتك.

لو البنت رجعت واعتذرت بشكل واضح وصادق، ممكن تفكر إنك ترجعها، لكن مترجعش زي الأول مرة واحدة. لازم تحطها حواجز عشان توصلها رسالة إن المرحلة اللي كانت فيها معاك وفرطت فيها بإيديها مش حاجة عادية. دي كانت مرحلة مميزة، وللازم تثبت إنها مستعدة تبذل مجهود حقيقي عشان تستحقها من ثاني. كده هتعرف قيمتك أكثر وهتكون العلاقة أقوى وأفضل في المستقبل ده غير إنك هتكون الطرف المسيطر.

الفصل

الخامس:

العودة بعد

السقوط

"مش لازم
تشرب من البحر
كله عشان
تعرف إنه مالح".

-شخص ما قالهالي
عالقوة

البنات بتعمل إختبارات دايمًا، هتحاول تتخطى حدودك وتشوف آخرك فين، لو مقدرتش تتعامل صح مع إختباراتنا هتدوس على كرامتك لحد ما تزهدق وتمشي. العلاقة اللي حكيت عنها في المقدمة كانت آخر علاقة قبل ما أفوق وأبدأ أحل كل غلطة وقعت فيها.

كنت بعرف أنكش وأتعامل مع الإختبارات في بداية التعارف لأن ده كله بالنسبالي كان هزار. لكن بدأت أقع في إختباراتنا يوم ما قالتلي إنها هتبعد عني عشان مش عارفة إحنا نوع علاقتنا إيه. كان ردي عليها إني بحبها ومش عايز أخسرها وعايز نرتبط. المشكلة مكانتش في الحب، ولكن كانت في إنها بتخرج مني الرد اللي هي عايزاه وقت ما هي تكون عايزاه. ده كان إختبار، زودت عليه حاجز لما قالتلي "مش عارفة هفكر" مع إني كنت متأكد من وجود مشاعر ناحيتي، ولكن هي كانت بتختبرني وبتحطلي حواجز، وأنا للأسف كنت بنط فوقها عشان أقدر أقنعها إنها المفروض تحبني زهي ما بحبها.

مش هنسي يوم ما اتخانقت معايا عشان بنت أعرفها (من قبل ما أتعرف عليها ومن قبل ما نرتبط) جابتلي هدية. أنا عرضت عليها إني أرمي الهدية في أقرب سلة قدامها عشان متزعزعلش، ولكن كل محاولاتي إني امنع زعلها كانت بتخليها تضايق مني أكثر. وقتها مكنتش فاهم ليه، ولكن ده كان بسبب إني عمال بفشل في كل إختباراتنا، وهي متضايقه إنها بقي عندها مشاعر لشخص مش قادرة تحس إنه راجل. مش قادره تحس إنه متوافق مع الثقة اللي بانت في أول تعامل. كان نفسها أقولها إن دي علاقة موجوده في حياتي وده نظامي لو مناسب معاها تمام مش مناسب معاها تقدر تبعد. لكن أنا مقدرتش أحط حدود، سبت إطارني ودخلت جوا إطارها، بقيت أنط فوق حواجزها، وكل ده قفلها مني.

باقي العلاقة كانت سلسلة من التنازلات عشان قالتلي إنها مش واثقة فيا، وبالتالي كان لازم أنط فوق حواجز كتير عشان أثبت إني أستحق ثقتها. أقطع علاقتي بكل

زمايلي البنات؟ حاضر. أغير طريقة كلامي؟ تمام. أبطل أبص لأي حد في الشارع؟ من عينيا. رسايل حب طويلة كل يوم، كل ده كان بيعدني أكثر عنها وانا مش واخذ بالي. كل ده كان بيدخلني في الفريندزون وبيقتل أي انجذاب كان عندها ليا.

الكتاب ده مش مجرد دليل لتخطي اختبارات البنات. ده دليل لفهم الحياة نفسها. لأن نفس القواعد اللي بتخليك تنجح في علاقاتك، هي نفسها اللي بتخليك تنجح في شغلك، صداقاتك، وكل تعاملاتك.

ففي النهاية، مكنتش محتاج أثبت حبي. كنت محتاج أثبت احترامي لنفسي.

الفصل

السادس:

الثبيت تست

ففي كل مكان

وانت ماشي في الشارع، في الشغل، حتى وانت قاعد في القهوة مع صحابك - في كل مكان هتلاقى ناس بتختبرك. ال Shit Tests بتحصل كل يوم وكل ساعة، وأغلب الناس مش واخدة بالها منها.

كل واحد بيحاول يعرف الثاني قد إيه هو أقوى، وقد إيه ممكن يسيطر على الموقف. المشكلة إن ناس كتير بتخسر في اللعبة دي من غير ما تعرف إنها أصلاً كانت بتلعب!

زي ما شرحت في الفصل الثاني في نوعين من الاختبارات دي:

النوع الأول: اختبارات الكلام

دي زي لما حد يهزر معاك أو يتريق عليك. الموضوع شبه المصارعة، بس بالكلام. لو عرفت ترد وتضحك وتأخذ الموضوع ببساطة، يبقى كسبت. لو اتعصبت أو اتنفرت، خسرت خلاص.

مثال بسيط: لما تكون في الشغل وزميلك يقولك: "إيه يا معلم، شكلك تعبان النهاردة، أكيد مراتك مطلعة عينك!" - دي مش هزار عادي، ده اختبار. هو عايز يشوف هتتفرز ولا هتتعرف ترد بذكاء.

النوع الثاني: اختبارات السلوك

دي أصعب شوية. مش لازم تكون كلام، ممكن تكون تصرفات. زي مثلاً لما حد يتأخر عليك في معاد، أو يتجاهلك في اجتماع. هو بكده بيختبر هتعمل إيه، هتسكت ولا هتتكلم، هتزعل ولا هتعددها.

فيه قاعدة مهمة لازم تفهمها: كل ما الشخص اللي قدامك يكون عنده مشاكل نفسية أكثر، كل ما اختبارات هتبقى أصعب وأكثر.

مثال: البنت اللي عندها مشاكل مع أبوها Daddy Issues دي غالباً هتختبرك كتير. البنت اللي متربية في بيت في شخصية أب ضعيفة هتختبر سيطرتك دايمًا، لأنها شايفه أنه عادي تسيطر زى ما أمها مسيطرة في البيت، بس في نفس الوقت في حاجة جواها بتقولها إن مش صح إنها تكون مسيطرة، وإنها المفروض تكون خاضعة لراجل، وده هيكون مرهق لأي راجل. هيكون قدامك قرار: يا تكمل معاها وتنجح في عدد غير محدود من الشيت تست، يا إما تشوف بنت متربية في بيت طبيعي الراجل هو اللي مسيطر فيه والأمر بتقوم بدورها الصح.

في الشغل الموضوع بيبقى أصعب

لما تروح انترفيو، متفكرش إن الأسئلة الغريبة اللي بيسألوها دي هبل. لما يسألك: "لو كنت حيوان، كنت هتبقى إيه؟" أو "لو عندك قوة خارقة، كنت هتختار إيه؟" (السؤال اتسألني وانا بعمل إنترفيو في Orange. هما مش مجانيين ولا حاجة. هما عايزين يشوفوا إزاي بتفكر تحت الضغط، وهل عندك ثقة في نفسك ولا لأ، بمعنى تاني، بيعملك Shit Test.

زميلك في الشغل بيحاول يقولك تعمل إيه ومتعملش إيه أكنه مديرك؟ مديرك بيتحكم في حاجات ملوش إنه يتحكم فيها؟ كل دي اختبارات زى ما بيحصل مع البنت بالظبط.

إزاي تنجح في الاختبارات دي؟

- إهدى: متتفرزش بسرعة.
- فكر قبل ما ترد: مش كل استفزاز محتاج رد.
- خليك واثق: مش غرور، ولكن ثقة في النفس.

الحكمة مش إنك ترد على كل اختبار، لأ... الحكمة هي إنني أعرف إيه الاختبار اللي يستاهل أرد عليه، وإيه الاختبار اللي محتاج اتجاهله، وإيه الاختبار اللي لو حصل هخرج الشخص ده من حياتي تمامًا.

من المهم تعرف إنني لما بكون بتعلم حاجه من حد، بختار إنني أخش جوا الإطار بتاعه، لإنني أنا اللي محتاجه، ومحتاج أعرف كل حاجه بيعملها إزاي. لكن في التعامل العادي، مش بخش جوا إطار حد إلا إطارني أنا وبس.

التحكم في الإطار

التحكم في الإطار هو المفتاح للسيطرة في أي اختبار أو موقف تتخط فيه سواء في العلاقة أو في الشغل أو في أي تعامل بينك وبين البشر.

1. لغة جسدك ونبرة صوتك: خليك هادي وواثق. لما حد يتعامل معاك بانفعال أو يدبك أوامر، خد وقتك في الرد، وده هيبيعت رسالة واضحة إنك مش مضطر تطيع فوزًا، وإنك المسيطر.
2. هاجم الإطار، مش المضمون: لما حد يهينك أو يحاول يجرئك، مش لازم ترد على الكلام بشكل مباشر. بدل ما تدافع عن نفسك، اسأل نفسك: "إيه الإطار اللي الشخص ده بيحاول يفرضه؟" لو الإطار ضعيف أو مهين، هاجمه أو تجاهله بدل ما تناقش المحتوى. ده يخليك تسيطر بدون ما تبان ضعيف.
3. متبقاش موجود عشان تعجب الناس: بدل ما تحاول تكسب إعجاب الناس، ركز على إنك تكون الطرف القوي في أي علاقة. قيمتك مش جاية من رضا الناس عنك، ولكن من احترامك لنفسك ورضاك عن قيمك ومبادئك. لما تحس إنك مش محتاج تثبت نفسك لحد، الناس هما اللي هيحاولوا يكسبوا رضاك.
4. حدد الخيارات لصالحك: حاول دايمًا تبني مواقف تخليك في موقع قوة. لما تكون في أي تفاوض، قدم خيارات للطرف الثاني، لكن خلي الخيارات دي

كلها تخدم أهدافك. ده يخليك دايمًا ماسك زمام الأمور، ومش مضطر تدخل في إطار حد غيرك. ولو حد بيقدملك خيارات خليك إنت دايمًا صاحب الخيار الزيادة اللي يخدم مصلحتك بشكل أكبر.

5. خلي عندك بدائل: لو عايز تكون دايمًا واثق في نفسك، لازم يكون عندك خيارات كتير. لما تكون عندك بدائل، مش هتحس إنك مجبر على اختيار معين، وده هيديك قوة وثقة سواء في علاقاتك أو شغلك أو أي جانب في حياتك.

كمثال، لو صاحبك بيكلمك بصوت عالي؟ لو اتكلمت بصوت عالي زيه هتبقى دخلت جوا إطاره، لأن هو اللي حدد قانون التعامل، وهو إن التعامل يكون بصوت عالي. لكن لو حطيت حدود، وعرفته إن التعامل معاك مش بالصوت العالي، ساعتها إنت اللي بتتحط الإطار. النتيجة؟ الشخص اللي معاك هيحترمك سواء كان راجل أو بنت. ولو اختار إنه ميحترمكش هيكون سهل عندك تخرجه بره حياتك لأن عندك بدائل تانية. لما تفهم إن الاختبارات أو ال Shit Tests دي موجودة في كل حقة، هتعرف تتعامل معها أحسن. المهم تخليك فاكِر: لو حياتك فيلم، لازم تكون إنت البطل.

الفصل

السابع : حرب

العقل الباطن

مستمرة

الاختبار الإيجابي سيكون ناتج عن وعي وبنية واضحة من البنت (مع وجود عنصر بسيط من اللاوعي أحيانًا)، لكن الاختبار السلبي سيكون رد فعل غريزي، لا واعي، نابع من مخاوف الأنثى المرتبطة بالارتباط الفوقي. في الاختبار الإيجابي، الهدف سيكون تحديد مدى تحقيق الذكر للشروط المثالية للارتباط الفوقي بطريقة مرحة. أما الاختبار السلبي فسيكون سببه شكوك لا وعية عند الأنثى عن اختيارها للشريك الذي استقرت معه، وهل هو فعلاً أفضل اختيار متاح بالنسبة لقيمتها السوقية (SMV).

الاختبار السلبي دائماً يطرح سؤال العقل الباطن الذي الارتباط الفوقي مش عارف يجاوب عليه: "هل أنا اخترت الاختيار الصح؟ هل الراجل ده فعلاً ألفا زي ما كنت فاكرة؟".

الاختبارات السلبية تتأثر وتتحدد بشكل كبير بناء على تجارب البنت السابقة (أو غيابها) أو تخيلاتها عن الذي ممكن يحصل لو ظروفها اتغيرت. عقدة المقارنات بتبدأ والبنت بتقارن بينك وبين الذي كانت بتحلم بيه، الذي شافته قبل كده، أو الذي ممكن تكون فاكرة إنه موجود برة لو الظروف اختلفت. (عشان كده بنبعد عن أرملة الألفا).

معظم الوقت، الاختبارات دي بتقيس أداء الراجل وقدرته على توفير الاحتياجات وقدرته على توليد إحساس الألفا الذي بيشدّها. الاختبارات السلبية خطيرة لأنها بتحتاج ترضي عناصر الارتباط الفوقي: كونك ألفا، التفوق على المنافسين السابقين أو المتخيلين جوا دماغها، الذكورية، القيمة الإجتماعية، وغيرهم كتير من المتطلبات لتحسين الارتباط الفوقي على المدى الطويل.

الاختبار السلبي غالباً بيظهر في الجوازات والعلاقات طويلة المدى. أي بنت مش قريبة منك كفاية مش هتعملك اختبار سلبي، الاختبارات السلبية غالباً بتكون الأكثر خطورة، ومهم جداً توقع توقيتها، وإيه الذي حركها، وجذر القلق الذي وراها الذي

البنت مش قادرة تعبر عنه بصراحه لأنه بيبوظ اللعبة اللي بتحاول تشوف إذا كنت فاهمها من غير ما تقولك.

يبقى ليه الشيت تست السلبي بيحصل؟

- البنت ممكن تكون شايفة إنك شخص كويس، لكن من جواها بتسأل نفسها: "يا ترى كنت أقدر أختار أحسن؟"
- لو كانت في علاقة قبل كده مع حد كان عنده صفات جذابة أكثر (أو لو هي فاكرة كده)، هتبدأ تقارن بينك وبينه حتى لو الشخص ده مش موجود في حياتها حاليًا.
- لما العلاقة تدخل مرحلة الجدية أو الاستقرار، البنت ممكن تبتدي تحس إن الدنيا بقت "مملة" وتبدأ تشوف لو لسه عندك الجاذبية اللي شدت انتباهها من الأول.

زي كل الاختبارات السابقة، الحل هو الرد بالأفعال مش بالكلام. الاختبارات دي بتستفز الرجاله لأنهم غالبًا بيحسوا إنهم مضطرين يحلوها. بالتالي، بيحاولوا بطريقة منطقية جدًا يتعاملوا مع كلام البنت كوسيلة إنهم يطمئنونها، وكمان عشان يحسوا إنهم بيحاسبوها بشكل منطقي على "تفاهة اختباراتها."

وكما هو الحال في معظم المحاولات المماثلة، الاعتماد على عقلانية البنت مش بيحل مشكلتها. الارتباط الفوقي مش منطقي، الارتباط الفوقي مبني على المشاعر. إثبات إنك فاهم اللي هي بتعمله هيساعدك تستفيد أكثر بكثير من محاولاتك تشرح إنك فاهم لعبتها واختباراتها ليك.

وعلى الرغم إن الاختبارات دي ممكن تبان صعبة جدًا، لكن خليك عارف إن نفس الأساليب اللي بتستخدمها مع الاختبارات الإيجابية هي نفس الأساليب اللي هتستخدمها هنا. الطرق المشروحة في الفصل الثالث بتثبت إنك فاهمها، وإنك شايف اختباراتنا على حقيقتها ومستعد لها من غير ما تكشف اللعبة اللي إنتوا اللاتنين عارفين إنكم بتلعبوها.

حتى إتقان الهزار في التوقيت الصح (بعد ما تثبت كفاءتك معاها) ممكن يكون كافي للنجاح في اختبار سلبي بنتائج سلبية محتملة لإنها بمجرد ما تتعود على طريقته، هيبقى سهل جدًا عليها توقع هزارك، وهتحاول تغير طريقة اختباراتنا، وعشان كدة شرحت أكثر من طريقة عشان دايما ردودك تكون متنوعة ومتغيرة.

طبعا، في طرق مباشرة أكثر للإثبات كفاءتك ليها زي إنك تكون مهتم بجسمك وفي مستوى أفضل منها، أو إنك تركبها المرجيحة. المهم هو إنك تحدد أي جانب من جوانب الارتباط الفوقي هو اللي بيولد القلق ده.

في الختام، لازم أتكلم عن أكثر رد فعل واضح هيكون عند الرجالة لما يسمعو الكلام ده: "يا عم هي مش ناقصة أنا اتخنقت، مش هشيل الهم ده، مش هتجوز أصلاً، سيبها تهدى لوحدها، واجهها وحل المشكلة، دخل حد من أهلها يعرفها الصح". ردي على الكلام ده هيكون إن كل ده لعبة، ومع الوقت هتتعلم قوانين اللعبة، هتفهم دماغ البنات، وهتبقى مقدر وجودهم وفقاً لطبيعتهم الحقيقية، مش الطبيعة المرسومة في خيالنا.

هيبقى حلو اكيد لو البنات يبقوا عقلانيين ومنطقيين فعلاً. تخيل لو تقدر تقول لمراتك: "بصي أنا فاهم كل الألعاب اللي بتلعبها والسبب وراها، فخلينا نبطل التمثيل ده ونعيش حياتنا ونتبسط وخلص، اتفقنا؟" لكن كل ده معناه إنك بتتفاوض

على رغبته الحقيقية. الرغبة الحقيقية عند الست عمرها ما بتطلع من تفسيرات عقلانية أو منطقية عن ليه المفروض تبقى عايزاك. الرغبة دي بتيجي من تصرفاتك ونجاحك في اختبارتها. حتى الرجالة اللي مسيطرين بمرجعية إسلامية 100%، بيواجهوا اختبارات الستات بطريقة مباشرة أو غير مباشرة من غير ما يدركوا إنهم بيعملوا كده.

لازم تعرف إن كلمة "النجاح" مع الشيت تست والاختبارات اللي اتكلمنا عنها مش معناها إنك لو نجحت في اختبار معين خلاص كده الموضوع انتهى، ومفيش اختبارات تاني. بالعكس، نجاحك في الاختبارات دي معناه إنك هتواجه اختبارات أكثر وأصعب في المستقبل. الاختبارات دي جزء طبيعي من أي علاقة، وهي طريقته في التأكد إنك لسه الشخص اللي يستحق تكون في حياتها. النجاح هنا مش نهاية اللعبة، لكنه معناه إنك جاهز للمرحلة اللي جاية.

السؤال المهم: لو فشلت في الاختبارات والبنت اتقفلت منك. إزاي تصلح الدنيا؟

الإجابة: الأسهل طبعا إنك تعرف بنت جديده، ولكن لو بتتكلم على علاقة طويلة أو بنت حلوة جدًا لدرجة إنك مش عايز تضيعها من ايدك يبقى الحل بتاعك في كل كلمة واحدة: النكش.

النكش مشروح بالتفصيل في الكتاب السابق، وده هيكون مرفق في الصفحات الجاية، وكمان هيكون مرفق كتاب فتح المواضيع.

احمد هيثم
يقدم

افهم دماغ البنات كتاب النكش

أسرع طريقة لخلق الانجذاب

امثلة عن أسلوب النكتل المتشروم في قناة إفهم دماغ البنات على اليوتيوب

ملحوظات مهمه

- إمتى تستخدم النكش؟ في بداية التعارف أو لما تحس إن الانجذاب بيروح ومحتاج ترفعه من ثاني (كمثال: وقعت في شيت تست ولقيتها اتقفلت فتبدأ تنكش علشان تخرج منها شيت تست جديد تنجح فيه)
- ليه بننكش؟ عشان لو الشخص اللي بتعامل معاه مناخيره في السما مش هيبصلك ولا هيحترمك (وبالذات البنات). النكش بيخلي الشخص ينزل على أرض الواقع (سواء بنت أو راجل) وبالتالي تقدر تتعامل معاه وانت مالي مركزك والشخص فعلا حابب يتعامل معاك، لأنه شايف قيمتك عالية.
- بعد النكش متستناش رد فعل. خش في موضوع ثاني عادي واتكلم عادي.
- هدف النكش مش انك تجلد اللي قدامك، انت عايز الموضوع يبقى مضحك ومن تحت لتحت بتقل من قيمة اللي قدامك وبترفع قيمتك من غير ما الشخص يتضايق فعلاً.
- النكش ينفع مع رجالة عادي لانه بيرفع من قيمتك ويقلل من قيمة اللي قصادك وبالتالي الشخص يبدأ يحترمك. تقدر بكل بساطة تغير الضمائر.
- كل ما يكون الشخص قيمته عالية أكثر، النكش هينجح معاه أكثر. مش محتاج تنكش حد مش واثق في نفسه أصلاً.
- لو بنت حلوة، هتنكشها 3 مرات ولكن مش في نفس الوقت، هاتهم وسط الكلام وبين كل نكشه ونكشه فترة هدنة.
- النكش بيثيل الضغط من عليها في التعامل معاك، وبيثيل الجدار العازل ما بينك وبينها وبيخليها تفتح قلبها وتكون رابط قوي وانجذاب ليك.

أمثلة تتنفع تتقال وسط جروب أو في الشغل أو تحورها شوية وتطبقها على رجالة

حلوة ضوافرك، ضوافرك بجد ولا فيك؟

حلو شعرك، إكستنشن ده؟

حلو القميص ده، ابن أختي الصغير بيلبس واحد زيه.

عيونك مش متساويين فيهم واحد مختلفه عن التانيه، بس شكلهم حلو.

عينك الشمال حلوة.

شكلك من النوع اللاي بيرمي دبش وهو مش واخذ باله.

شكلك من النوع اللاي مش مهم يبقى لبسه شكله حلو طالما مرتاح فيه.

صاحبك صوتها عالي أوي. (لو قاعدين مع ناس)

شكل روحك حلوة. هو أه بحس منك بشوية هبل صغيرين، بس روحك حلوة.

بتفكريني بنت اختي الصغيرة

حلوة "قطعة هدوم" دي. شكلها طالع تريند اليومين دول.

حلو ط "قطعة هدوم" دي. لسة شايف بنت لابساها من شوية.

حلوه "قطعة الهدوم دي" شكلها رجعت تريند من تاني جدتي كانت بتلبس زيها.

شعرك هيبقى أحسن عالجنب/فوق/تحت.

حلوة سنانك، بتروحي لدكتور سنان صح؟

شكلك حلو كان ممكن تبقي موديل لو أطول شوية وأرفع شوية (أو كيرفي أكثر حسب جسمها)

حلو شعرك، حقيقي صح؟

غريبة "قطعة الهدوم" دي عالأقل جسمك متناسق أهو يعوض أيا كان اللي (قطعة الهدوم دي) بوظته.

شكلك طويلة، أنا بحب الناس الطويلة، لابسه كعب كام سنتي؟

(قطعة هدوم أو برفان) مش مناسبك. المفروض تلبسي حاجة تخلي شكلك أصغر (أو تخلي شكلك فيه أنوثة)

حلو (قطعة الهدوم دي) هو انا أه شوفتك لابساها كذا مرة قبل كده بس هي حلوة.

مكتيش لابسة نفس الطقم ده اخر مره شوفتك؟

شكلك هيبقى أحلى من غير الميكاب ده كله.

عينك (محمرة أو تحتها هالات سودة) شكلك مش مهتمة اليومين دول.

شعرك لونه طبيعي؟ (لو قالت اه: مش بطل. لو قالت لا، يعني انتي غيرتيه لده؟؟)

أمثلة يفضل يبقى الكلام وإنتوا لوحدكوا وتتقال بهزار برضو ومتستناش رد فعل

مناخيرك بتتهز وإنتي (بتتكلمي/بتضحكي) شكلها تحفه.

بترمشي كتير وإنتي بتتكلمي.

عينك منفوخه أوي دلوقتي

يابنتي كفاية بقى تفتفه عليا وانتي بتتكلمي.

في حاجة على (هدومك/سنانك/وشك/ودانك) -يكون في حاجة فعلاً-.

ايدك عرقانة.

ايدك كبيرة زي الرجالة.

كلتي دماغي.

حلو الخاتم/الحلق/بريسليت ده. جبتيه منين؟ الكيدز ميل ماك صح؟

حلو الكوتشي بتاعك ده. أمي كان عندها واحد زيه بالضبط.

شكلك مش بتعرفي ترقصي. (تسألك ليه) عشان اللي بتعرف ترقص بتعرف تمشي وهي لابسة كعب كويس وأنا مش حاسك كده.

اللي جايه مش نكشه اوي لكن ده وقت مناسب اني اقولها:

لما تسألك على حاجة متجاوبش وانكش بـ:

• تدفعي كام؟

• ايه المقابل؟

مثال: الساعة كام؟ تدفعي كام واقولك؟ نفسك تبقى الساعة كام؟ (وافضل هزر من غير ما تريحتها)

حاجات تقولها كرد فعل

الله يكون في عون أهلك استحملوكي ازاي.

مخك صغير اوي.

شعرك محتاج يجي كده (اتجاه) شوية.

إحنا لسة عارفين بعض بدري أوي إنك (تعملي الحاجة دي)

أنا بفكر أنهي علاقتنا دلوقتي.

بفكر أعملك بلوك بعد إلابي قولتيه ده.

هغير حالتي عالفيسبوك من (مرتبط أو خاطب أو متزوج) ل"الأمر معقد"

هو مفيش زرار اطفيكلي منه؟

هو إنتي علطول كده؟

صاحبك بيستحملوكي ازاي؟

(لو بتقاطعك) هو إنتي ليه علطول بتقاطعيني كده للدرجادي مش واثقة في

نفسك وحاسه إنني مش هديكي فرصة تتكلمي؟

أنا منفعكيش، إنتي عايزه إلابي يجيبك ورد ويحتويكي ويبقى حنين وكيوت. ممكن

إلابي واقف هناك ده ينفحك (نقي حد شكله يضحك).

(لما تقولك إيلم) ريحي نفسك مش هحضنك.

(لما تتضايق انك مش بتكلمها فترة) مكانش دورك في الجدول.

(تسأل حد وسط قعدة والشخص اللي عايز تنكشه يجاوب) هو انا سألتك؟ خليك في حالك (بهزار طبعا زي ما كل النكش ده بيتقال بهزار)

شكلك من النوع اللبي مبيتعاملش مع ناس كتير.

شكلك مكنتيش بتتحصني وإنتي صغيرة.

(لو وسط قعدة) القعدة معاكوا جامده بجد لو كان ينفع أتبناكوا كنت هأخذكوا
كلكوا ماعدا إنتي (اللي بتتكشها).

إنتي مثال للناس اللي مينفعش اللطف معاها.

لو حد قالك إن حاجه انت لابسها عاجباه (كان نفسي اديهولك بس مش هتعرف
تلبسه اصله للرجاله بس).

طفولتك كانت صعبة أكيد -ليه؟- ماهو طالع عليا هو.

بقولك ايه هزعلك.

مالك؟ شكلك مش متعودة تتكلمي مع ناس جامدة زيي أكيد.

(لو عيني من بنت وبكلمها وسط صاحبها ولقيتها ساكتة وهادية علطول) إنتوا محتاجين تخرجوها أكثر شوية بدل ما هي متقوقة كدة

ششششش الكبار بيتكلموا إيه اللي دخلك في الموضوع؟

BONUS

-لو شكلها حلو عن الطبيعي- في ناس كتير بتقولك إن المفروض تكوني موديل صح؟ (لو قالتك اه) متصدقيه مش دول بيجاملوكي مش اكر.

300 الف حيوان منوى والوحيد اللى عدى منهم هو إنتى للاسف.

أنا كنت بدأت اتشدد لك لحد ما (عملتي حركة معينة).

احمد هيثم
يقدم

افهم دماغ البنات

فتح المواضيع

أكبر تجميعية لأسئلة فتح المواضيع

امثلة عن أسلوب تأهيل النفس المتترووح في قناة إفهم دماغ البنات على اليوتيوب

ملحوظات مهمة لتحقيق أقصى استفادة من الأسئلة

- الأسئلة دي مش مجرد كلام، دي بوابة تدخل بيها جوا دماغها وتخليها تفكر فيك على طول. كل سؤال هنا مختار بعناية عشان يولد حالة من الانجذاب بينكوا ويخليها متشوقة تعرف عنك أكثر.
- الأسئلة دي مش بس عشان تخليها تفكر فيك، لكنها كمان أداة تخليك تعرف هي مين بجد. هل هي فعلاً البنت اللي تقدر تبقى شريكة حياتك؟ هل تقدر تشيل اسمك وتربي عيالك في يوم من الأيام؟ الأسئلة دي هتساعدك تكتشف الحقيقة.
- ليه بنسأل؟ لما بتقرر تتعرف على بنت، انت بتستثمر وقتك، والوقت هو أغلى مورد عندك. مع الوقت، ممكن تستثمر مشاعر، فلوس، وأسرة كاملة. فلازم تبقى عارف هي مين بجد بعيد عن شكلها الحلو. الأسئلة دي كمان بتساعدنا تأهل نفسها ليك، وده اللي بيخلق الانجذاب.
- متفكرش في الأسئلة دي إنها نصوص محفوظة لازم تتقال زي ما هي. اعتبرها **نقط فتح كلام**، وعدل فيها بطريقتك. الموضوع الواحد ممكن يولد أكثر من سؤال، خليك دائماً جاهز تتفرع بالحوار.
- طبعي إنها تسألك كمان، بس خلي ردودك غامضة شويه ومتقولش كل حاجة عنك من الأول. الغموض بيخلق جاذبية. خليها دائماً حابة تعرف أكثر عنك.
- أكبر غلطة ممكن تقع فيها إنك تخليها هي اللي تسألك كل الأسئلة وانت بس تجاوب. ده هيقول من قيمتك في عينيها، ومش هتشوفك الشخص المناسب اللي تستمر معاه.
- السينس الاجتماعي مهم جداً، في أنواع أسئلة تقدر تسألها وانتوا لسه بتتعارفوا على بعض، وأنواع تانية لازم تستنى شوية قبل ما تسألها. اختار الوقت المناسب لكل سؤال.
- الأسئلة دي حواجز ممتازة تخليها تستثمر فيك أكثر (راجع نظرية الحواجز).

الاسئلة

1. ٣ حاجات بتحبيها في نفسك بعيدًا عن الشكل؟
2. شايفة نفسك كريتي؟
3. إيه اللي خلاكي تلبسي الأوتفيت ده؟ قعدتي قد إيه بتختاري؟ (أو أي حاجة من الأوتفيت بلوزة، قميص، كوتشي؟)
4. بتاخدي قد إيه في الميكاب؟
5. بتاخدي قد إيه وانت بتعملي شعرك؟
6. بتاخدي قد إيه إيديتنج لصورك؟
7. جبتي كام في ثانوي؟
8. كانت إيه أكثر مادة بتحبيها؟
9. إيه اللي خلاكي تدخل في الكلية دي؟
10. كنتي قسم إيه؟ إيه السبب؟
11. علاقتك بعيلتك عاملة إزاي؟
12. علاقتك بالوالد؟
13. علاقتك بالوالدة؟
14. عندك إخوات؟
15. نفسك تشتغلي إيه / بتشتغلي إيه؟ إيه السبب؟
16. شايفة نفسك فين كمان ٥ سنين؟
17. سيبتي الشغل ليه؟
18. عمرك اتطردتي/اترفضتي من شغل؟
19. ارتبطي قبل كدة؟ قعدتوا قد إيه؟ ليه سيبتوا بعض؟
20. لو هتخلصي طفولتك في ٤ كلمات هتبقى إيه؟
21. إيه الحاجة اللي نفسك فيها ومحدث يعرف غيرك؟
22. تفضلي عيلة ماما ولا عيلة بابا؟
23. لو في حاجة عايزة تغيريها، هتغيري إيه؟
24. إيه أكثر حاجة عملتها ومعلمة معاك في لحد دلوقتي؟
25. إيه أكثر حاجة شاغلة بالك الفترة دي؟

26. إيه أكثر حاجة ندمانة عليها؟
27. ضربتي طفل قبل كدة؟
28. آخر حاجة كلتيها إيه؟
29. شربتي حاجة قبل كدة؟
30. مؤمنة إن الرجل والمرأة متساويين؟
31. إيه أكثر موقف محرج حصلك؟
32. إيه أكثر حاجة بتلفت نظرك في الراجل؟
33. إيه أكثر قرار اتسرعتي فيه؟
34. أكبر كذبة كذبتيا في حياتك؟
35. احكي لي مصيبة عملتيها ومحدثش يعرفها؟
36. إيه الحاجة اللي شايفة نفسك فيها نمبر 1؟
37. حاجة في شخصيتك محدثش يعرفها أو بنعرفها مع الوقت بس مش

بسهولة؟

38. إيه أكثر حاجة عايزة تقوليها لحد ومش قادرة؟
39. شايفة نفسك منطوية ولا خجولة؟
40. إيه أكثر مكان نفسك تسافريه؟
41. لو مسلسل عجبك، ممكن تشوفي كام حلقة في يوم واحد؟
42. لو هتختاري أغنية متسمعيهاش تاني أبدا هتبقى إيه؟
43. إيه أحلى ديت بالنسبالك؟
44. إيه أحسن نصيحة حد قالها لك؟
45. إيه الحاجة اللي في شخصيتك بس عمرها ما تبان عليك؟
46. إيه آخر حاجة طبختيها؟
47. إيه الحاجات اللي نفسك تحققيها في حياتك؟
48. لو ضامنة إنك هتنجحي في حاجة، هتختاري تنجحي في إيه؟
49. إيه أكثر حاجة حد قالها لك أو سمعتيها بتحمسك؟
50. لو في إيدك تغيري حاجة في العالم، هتبقى إيه؟
51. إيه أكثر فترة في التاريخ بتحبيها؟

52. شايفة نفسك فين كمان عشر سنين من دلوقتي؟
53. إيه أكثر ذكرى حلوة فاكراها من طفولتك؟
54. إيه الحاجة اللي كان نفسك تتعلميها بدري شوية في حياتك؟
55. مين الرول موديل بتاعك؟
56. لو كنتي هتبقى حيوان، هتختاري تبقي إيه؟
57. إيه أكثر مكان حلو روحته في حياتك؟
58. إيه الخطوة الجاية بالنسبالك؟
59. إيه أكثر أماكن بتحبي تخرجي فيها؟
60. حاجة جبتها أونلاين واتخزوقتي فيها جامد؟
61. شايفة إنك عملت حاجة مهمة في حياتك؟
62. ناقصك إيه وتبقى مبسوطه؟
63. كنتي شقية ولا هادية وانتى صغيرة؟
64. في الخروج بتحبي القعدة أكثر ولا التمشية؟
65. إيه أكثر أكل بتحبيه؟
66. إيه هي أهم صفة في شريك حياتك؟
67. بتعرفي تطبخي؟ إيه أكثر أكلة بتعرفي تعمليها؟ بتعمليها بطريقة معينة؟
68. احكي موقف حلو حصلك ولسه مآثر معاكى؟
69. احكي موقف وحش حصلك وقدرتي تتخطيه؟
70. إيه أكثر موقف محرج حصلك؟
71. وقعتي قدام حد قبل كده؟
72. إيه أكثر مكان نفسك تسافريله؟
73. روحتي (مكان ما)؟ عملتي إيه هناك؟ انبسطتي؟
74. مثال: روحتي إسكندرية؟ عملتي إيه هناك؟ انبسطتي؟ إيه أكثر حاجة حبيتها هناك؟ إيه أكثر حاجة معجبتكيش؟
75. حاجة لو كان في إيدك تغيريها في نفسك كنت غيرتيها؟
76. قوللي حاجتين في شخصيتك بتحبيهم؟

77. إيه أكثر حاجة بتحبيها في شكلك؟ أشمعنى؟
78. لو هتغيري حاجة في شكلك، هتبقى إيه؟
79. احكي لي حاجة محدش يعرفها عنك.
80. إيه نقطة التحول في حياتك اللي بتعتبر بسببها إنك بقيتي ناضجة؟
81. إيه أكثر حاجة نفسك تحققيها؟
82. إيه أكثر أوتفيت بتحبيه عليك؟
83. إيه الحاجات اللي بتشدك في الولد؟
84. إيه اللي يخليكي منجذبة لشخص؟
85. إيه الـ turn offs بتاعتك أو الحاجات اللي تقفلك من حد؟
86. في حاجة عملتيها قبل كده وندمانه عليها؟
87. إيه أول حاجة بتعملها لما تكوني متضايقه؟
88. نفسك تشتغلي إيه؟
89. بتعملي إيه في الإجازة؟
90. ألطف يوم ممكن تقضيه عامل إزاي؟
91. إيه اللي ممكن يقلب مزاجك ويضايقه؟
92. إيه أكثر فيلم بتحبيه؟
93. خدتي في ثانوي مع مين؟
94. إيه أكثر شعور بتحبي تحسبه؟
95. إيه أكثر كلمة بتحبيها؟
96. مين أقرب حد ليك؟
97. إيه أكثر حاجات بتعصبك؟
98. لو خيروك تسافري للمستقبل ولا ترجعي للماضي، هتختاري إيه؟
99. إيه الحب بالنسبة لك؟
100. كنتي مكروهة قبل كده؟
101. صيف ولا شتا؟ ليه؟
102. لو كنت مرتبطة بحد وعلاقتكو خلصت، بتسيبيه عندك عادي ولا بلوك؟
103. مبسوطه بحياتك؟

104. بتفكرني في إيه دلوقتي؟
105. شايفة نفسك منطوية ولا اجتماعية؟
106. إيه أكثر ريحة بتحبيها؟
107. إيه أكثر برفيوم بتحبيه؟
108. إيه ألطف حاجة عملتها لحد؟
109. إيه ألطف حاجة حد عملها لك؟
110. إيه أكثر اسم دلح بتحبيه؟
111. إيه أكثر حكمة مؤمنة بيه؟
112. كنتي توكسيك في حياة حد قبل كده؟
113. شايفة إيه هي رسالتك في الحياة؟
114. آخر صورة اتصورتها؟
115. شايفة علاقتك بعيلتك إزاي؟
116. إيه اللي لو وصلتي له ممكن تقولي "أوكي، أقدر أرتاح دلوقتي"؟
117. بتحبي الشطة؟
118. لو هتعملي حاجة بتكتمي لحد ما تحصل ولا بتحكي لصاحبك؟
119. حاجة متوقعة إنني بحبها؟
120. لو ليك أمنية تتحقق بس ليك أنت، هتطلب إيه؟
121. مبدأ انت ماشي بيه في حياتك؟
122. ممكن تحبي حد أوي أكثر من نفسك ولا مفيش الأوبشن دا؟
123. طبع فيكي نفسك تغييره؟
124. إيه أكثر هدية هتنبسطي لو جات لك؟
125. كنتي بتكراشي على حد في ابتدائي؟
126. إيه الشعور اللي مفتقدة إنك تحسيه؟
127. إيه أكثر حاجة عملتها وبعدين استغربتني نفسك بعدها؟
128. ربيتي قسط قبل كده؟
129. جربتني تخونني أو تتخاني بجد قبل كده؟ وعرفتني إزاي؟
130. إيه أحسن مفاجأة حد عملها لك قبل كده؟

131. لو انتي في مكان وحاسة إنك مش مرتاحة، هتقعدي عادي ولا هتمشي؟
132. إيه الـ red flags بالنسبالك؟
133. إيه أكثر لون روج بتحبي تحطيه؟
134. بتعرفي إزاي إنك بتحبي حد؟
135. إيه أكثر دريس بتحبيه عليك؟
136. لو هتختاري بين خروج أوفر كل يوم أو قعدة في البيت، هتختاري إيه؟
137. شايفة من وجهة نظرك إيه هي الحياة المثالية اللي نفسك تعيشها؟
138. إيه الحاجات اللي قلقانة منها الفترة دي؟
139. تفتكري كان في حاجة معينة ممكن تحصل تصلح الدنيا بينكوا؟
140. آخر مرة ارتبطي كانت عاملة إزاي؟
141. ليه سيببتوا بعض؟
142. إيه نظرتك للحياة؟
143. شايفة المتعة في الوصول ولا في الرحلة؟
144. بتموفي أون إزاي؟ وشايفة طريقتك كانت صح ولا غلط؟
145. وإيه أصعب مرة موفتي أون فيها؟
146. طب شايفة إيه الطريقة الصح للموَّف أون؟
147. شايفة إيه الصفات اللي تخليه ينفع يكون شريكك؟
148. لو هتدخلي علاقة، هتبقى إيه قوانينك؟
149. آخر مرة كدبت؟
150. إيه أكثر حاجة بتخافي منها؟
151. إيه الحاجة اللي لما بتحصل أو بتحسي بيها بتعرفي إنك معجبة بحد أو بتحبيه؟
152. إيه أكثر حاجة لطيفة أو رومانسية أو كرينج عملتها لأجل الحب مثلاً، وافتكرتها وقلتي إزاي كنت كرينج كده؟
153. جالك عريس قبل كده؟

حط في دماغك دايماً إن هدف الأسئلة هو إنك تخلق انجذاب حقيقي برفع قيمتك وتأهيلها ليك. كمان الأسئلة دي وسيلة عشان تعرف فعلاً هي مين. مهم تسأل وانت بجد مهتم بالإجابة مش مجرد بتسأل عشان تحقق هدف معين. خلي كل سؤال يعبر عن فضول حقيقي ورغبة في التعرف عليها أكثر، لأن لو معندكش رغبة فعلاً تعرف الاجابات هي هتحس بده وهتلاقى نتيجة الاسئلة عكسية.

خلصت الكتاب ولسه عايز تعرف أكثر؟

الكلام على الورق مش زي الكلام معايا في مكالمة
برضوا!

لو حاسس إنك محتاج نصايح أعمق ومخصصة لحالتك
بالظبط،

أنا موجود أساعدك وأرشدك خطوة بخطوة لحياة
عاطفية ناجحة ومليانة رضا.

في جلساتي الخاصة هنتكلم بصراحة تامة عن:

🔥 أسرار الجاذبية اللي هتخلي البنات تجري وراك

🔥 إزاي تسيطر على أي علاقة وتبقى أنت الراجل

بجد

🔥 حلول عملية لكل مشاكلك في الحب والجواز

متضيعش وقتك في المحاولة والخطأ...
خليني أختصرلك الطريق وأوفرلك سنين من الفشل
والإحباط!

للحجز والاستفسارات:

إيميل:  ahmedyoussef07472@gmail.com

رابط الحجز:  [دوس هنا](https://calendly.com/ahaitham74/coaching-sessions):

[https://calendly.com/ahaitham74/coaching-
sessions](https://calendly.com/ahaitham74/coaching-sessions)

عايز تدعمني وتساعدني أنشر المحتوى ده؟

تقدر تدعم من خلال:

 PayPal:

<https://www.paypal.com/paypalme/haysomb eats>

 InstaPay: @ahaitham74

متنساش تتابع قناة اليوتيوب و خليك فاكر ... الراجل
الناجح هو اللي بيستثمر في نفسه.